

ХДР

1918-йил
21-йундан чиқа
бoshлаган

№22, 2023-йил
14-йун,
chorshanba (32.768)

Ўзбекистон ОҲВОЗИ

Ijtimoiy-siyosiy gazeta

Barchaga g'amxo'rlik – davlatning burchi

ПРЕЗИДЕНТЛИККА НОМЗОД САЙЛОВЧИЛАР БИЛАН УЧРАШУВЛАР ЎТКАЗМОҚДА



Ўзбекистон Халқ демократик партиясидан Президентликка номзод Улуғбек Иноятов сайловчилар билан учрашувини Жиззах вилоятидан бошлади.

Жиззах шаҳридаги Муסיқали драма театрида бўлиб ўтган мулоқотда талабалар, жамоат ташкилотлари, фуқароларнинг ўзини ўзи бошқариш органлари вакиллари, маҳаллий Кенгашлар депутатлари, партия фаоллари иштирок этишди.



ШАХМАТ: ШАМСИДДИН ВОҲИДОВ ҚИТЪА ЧЕМПИОНИ!

Қозоғистонда мукофот жамғармаси 100 минг АҚШ долларидан иборат Осиё чемпионатида ҳамюртимиз Шамсиддин Воҳидов 7 очко жамғарган ҳолда ғолибликка эришди.

Қитъанинг 18 та давлатидан 129 нафар шахматчи қатнашган мазкур мусобақада 21 ёшли Шамсиддин Воҳидов Ҳиндистон, Эрон, Қозоғистон давлатларининг етакчи шахматчиларини доғда қолдирди. Воҳидовдан кейинги ўринларни эгаллаган 6 нафар шахматчи 6,5 очко жамғаришга муваффақ бўлди.

Ушбу турнирда иштирок этган яна

бир шахматчимиз Мухиддин Мадаминов 6 очкога эга бўлган тарзда чемпионатни 6-ўринда якунлади.

Осиё чемпионатининг аёллар ўртасидаги мусобақаларида юртимиз шарафини химоя қилган Афрўза Ҳамдамова 6 очко қўлга киритиб, 6-ўриндан жой олди. Хотин-қизлар ўртасидаги баҳсларда 7, 5 очколи бўлган Ҳиндистонлик Дивя Дешмукх ғолиблик шохсўпасига кўтарилди.

Т. РЎЗИЕВ, ЎЗА.

САЙЛАШ ВА САЙЛАНИШ ҲУҚУҚИ

Ўзбекистон Республикаси Конституциясининг 128-моддасига кўра:

«Ўзбекистон Республикасининг фуқаролари давлат ҳокимияти вакиллик органларига сайлаш ва сайланиш ҳуқуқига эгадирлар. Ҳар бир сайловчи бир овозга эга. Овоз бериш ҳуқуқи, ўз хоҳиш-иродасини билдириш тенглиги ва эркинлиги қонун билан кафолатланади».

Ўзбекистон Республикасида сайлов умумий, тенг, тўғридан тўғри сайлов ҳуқуқи асосида яширин овоз бериш орқали, очик ва ошкора ўтказилади.

Сайлов куни ҳамда сайлов кунигача 18 ёшга тўлган Ўзбекистон Республикаси фуқаролари сайлаш ҳуқуқига эгадирлар.

Суд томонидан муомалага лаёқатсиз деб топилган фуқаролар, шунингдек, оғир ва ўта оғир жиноятлар содир этганлик учун суднинг ҳукмига кўра озодликдан маҳрум этиш жойларида сақланаётган шахслар сайловда иштирок этиш ҳуқуқидан фақат қонунга мувофиқ ҳамда суднинг қарори асосида маҳрум этилиши мумкин. Бошқа ҳар қандай ҳолларда фуқароларнинг сайлов ҳуқуқларини тўғридан-тўғри ёки билвосита чеклашга йўл қўйилмайди.

Муддатидан илгари Ўзбекистон Республикаси Президенти сайлови жорий йилнинг 9 июль санасида ўтказилади.

БИРГАЛИКДА ИЖТИМОЙ ДАВЛАТ САРИ

2-3 САҲИФА



ТОШКЕНТДА ЖАМОАТ ТРАНСПОРТИ

5 САҲИФА



SAYLOV - 2023



**ЎЗБЕКИСТОН ХАЛҚ ДЕМОКРАТИК ПАРТИЯСИДАН ЎЗБЕКИСТОН РЕСПУБЛИКАСИ
ПРЕЗИДЕНТЛИГИГА НОМЗОД УЛУҒБЕК ИНОЯТОВНИ Қўллаб-қувватланг!**

ДАВЛАТ САРИ

РЕСПУБЛИКАСИ ПРЕЗИДЕНТЛИГИГА НОМЗОД ДАСТУРИНИНГ БОШ ҒОЯСИ



Кизилгул ҚОСИМОВА,
Олий Мажлис Қонунчилик палатаси
депутати, ЎзХДП фракцияси аъзоси:

— Халқ саломатлиги, миллат генофондининг мустаҳкамлиги ҳар бир давлат учун беназир бойликдир. Бу жуда долзарб масала бўлганлиги учун ҳам янгиликлар Конституцияда аҳоли саломатлигини асраш билан боғлиқ нормалар бир неча баробарга оширилди.

Партияимизнинг Ўзбекистон Президентлигига номзоди дастурида тиббий сўғуртани босқичма-босқич жорий этиш ташаббуси ўрин олган. Дунёдаги энг ривожланган давлатлар таърибаси шуни кўрсатадики, тиббий сўғуртани жорий этиш соҳада турли коррупциявий ҳолатларнинг олдини олиш билан бир қаторда, касалликларни эрта аниқлаш, тиббий ёрдам кўрсатишнинг бирламчи бўлиши малакали ва сифатли хизматларни ташкил қилиш, аҳолининг ўртача умр кўриш давомийлигини оширишга хизмат қилади.

Сўнги вақтларда фармацевтика тизимида дуч келинган нохуш ҳолатлар фониде айтиш мумкинки, бу соҳада айнан давлат назоратини кучайтириш ҳамда янги дори воситаларини синовдан ўтказиш ва рухсат бериш тартиб-таомилларини Жаҳон

соғлиқни сақлаш ташкилоти талаблари асосида такомиллаштириш зарурати мавжуд.

Шунингдек, дори-дармонлар ва тиббий воситалар нарх-навосини давлат томонидан тартибга солишнинг қонун даражасидаги механизмларини яратиш борасида Сайловолди дастурида илгари сурилган таклиф фармацевтика бозорида барқарорликни ва ижтимоий адолатни таъминлашга хизмат қилади. Айниқса, пандемия вақтида ушбу соҳада фаолият юритувчи айрим тадбиркорлик субъектлари томонидан ўз мавқеини суистеъмол қилиб, фуқаролар ҳаёти ва соғлиғи учун муҳим бўлган дори-дармонларнинг нархларини асосиз ошириш ҳолатлари учрагани ҳеч кимга сир эмас. Юқоридагилардан келиб чиқиб, номзод дастурида таклиф этилган **"Дори-дармонлар ва тиббий воситалар нархларини давлат томонидан тартибга солиш тўғрисида"**ги қонунни қабул қилиш ҳар қачонгидан муҳимдир.

Эътиборли жиҳати шундаки, Ўзбекистонда тиббиёт инфратузилмасини янада модернизация қилиш, катта шаҳарлар ва қишлоқ аҳолисини қамраб оладиган тиббиёт марказларини ташкил этиш, бу борада малакали кадрларни тайёрлаш ва халқимизга тиббиёт хизматларини таклиф қилиш каби масалалар номзоднинг Сайловолди дастурида асосий ўринни эгаллайди.

Соғлиқни сақлаш соҳасидаги мавжуд муаммоларнинг ечими ўлароқ тиббий хизматларни рақамлаштириш, шифокорлар томонидан дориларни тайинлашда электрон рецепт тизимига ўтиш ва соҳада қатъий давлат назоратини ўрнатишга доир вазифалар дастурида белгиланганлиги, номзоднинг тиббиёт тизимини рақамлаштириш билан боғлиқ таклифларнинг долзарблигини кўрсатади.

Шу сабабли жорий йилнинг 9 июль куни бўлиб ўтадиган муҳим сиёсий жараён — Президент сайловида хурматли фуқароларимиздан, сайловчиларимиздан Ўзбекистон Республикаси Президентлигига Халқ демократик партиясидан номзод Улуғбек Иноятовни қўллаб-қувватлаб овоз беришга чақирамиз!

"CALL-CENTER" O'Z ISH FAOLIYATINI BOSHLADI

1200 QISQA RAQAMI BILAN BOG'LANING

МАРКАЗИЙ САЙЛОВ КОМИССИЯСИ ҲУЗУРИДАГИ "CALL-CENTER" ИШГА ТУШИРИЛДИ

Ўзбекистон Республикаси Президенти сайлови кампаниясида жисмоний ва юридик шахсларнинг мурожаатларини тезкор ва самарали кўриб чиқиш, фуқароларга реал вақт режимда ҳуқуқий тушунтириш ва маслаҳатлар бериш мақсадида Марказий сайлов комиссияси ҳузурида "Call-center" ишга туширилди.

"Call-center" орқали Ўзбекистон Республикаси сайловига оид ўзингизни қизиқтирган барча саволларга жавоб олишингиз ҳамда мурожаатларингизни йўллашингиз мумкин.

"Call-center" рақами: 1200
1200 қисқа рақамига қўнғироқ қилиш бепул.

» **Ҳар қандай демократик жамият ўзагини эркин ва адолатли сайловлар ташкил этади. Айнан мазкур танлов орқали фуқаролар бевосита ёки ўзлари сайлаган вакиллари тимсолида давлат ва жамият ҳаётини бошқариш имконига эга бўладилар.**



Аброр ҚУРБОНОВ,
ЎзХДП Марказий Кенгаши бошқарма
бошлиғи:

— Барқарор ривожланишда бўлган ҳар бир давлатнинг қудрати — фуқароларнинг юқори интеллектуал салоҳиятига қараб белгиланади. Хўш, интеллектуал салоҳиятга эга бўлган қудратли давлатга қандай йўллар билан эришилади? Албатта, чуқур билим, таълим бериш орқали эришиш мумкин. Буни жаҳон тамаддунига асос солган цивилизациялар мисолида кўришимиз мумкин.

Ўзбекистон Республикаси Президентлигига Халқ демократик партиясидан илгари сурилаган номзод Сайловолди дастурининг "Ёшлар таълими миллат келажаги ва юртимиз рақобатбардошлигининг гарови" деб номланган йўналишида ёшлар учун таълим кафолатларини мустаҳкамлаш бўйича қатор таклифлар ва амалга оширилиши зарур бўлган вазифалар акс эттирилган.

Юртимиз аҳолисининг яридан кўпини ёшлар ташкил қилишини инобатга оладиган бўлсак, таълим соҳасида ислохотларни амалга ошириш ва шу йўл орқали билимли ёшларни жамиятимизга етказиб бериш ҳар биримизнинг зиммамиздаги мажбурият эканлигини унутмаслигимиз шарт.

Дастурида таълимда аҳолининг барча қатламларига тенг имкониятлар яратиш учун аниқ чораларни кўриш зарурлиги белгиланган. Хусусан, боғча ёшидаги болаларнинг мактабга таълим ташкилотларига қамровини кенгайтириш, бунинг учун давлат янги боғчаларни қуриши, мавжудларини таъмирлаши, давлат ва давлат-хусусий шериклик шаклидаги мактабга таълим муассасаларини кўпайтириш таклиф этилмоқда.

Соҳага хусусий секторнинг жалб қилиниши қувонарли ҳолат, лекин шу билан бирга, давлат боғчалари сони ҳам ошиб бориши керак. Ахир хусусий боғчага пул тўлаш қобилияти бўлмаган, ижтимоий ёрдамга муҳтож оилаларнинг болаларини қўллаб-қувватлашимиз лозим.

Шунингдек, **мактаб ўқувчилари учун жамоат транспортдан фойдаланиш учун табақалашган тарифларни жорий қилиш**, яъни улар катталарга нисбатан арзонроқ йўлқира тўлаши ижтимоий адолатдан бўлади. Ёшларимизни кутубхоналардан фойдаланиш имкониятини ошириш, уларни барча учун фойдаланиш эркин бўлган ахборот-маданий марказларга айлантириш маърифатли жамият қуришдек эзгу мақсад рўёбига хизмат қилади.

Умуман, номзод Сайловолди дастури орқали "таълим — инсоннинг устувор ҳуқуқи"ни қўллаб-қувватлаш позициясида мўқим турганлигидан далолат беради. Мазкур масалада ҳуқуқлар ва имкониятлар тенглигига амал қилиниши муҳим аҳамиятга молик масаладир.



Акмал УМАРАЛИЕВ,
ЎзХДП Тошкент вилоят кенгаши
раиси:

— Маълумки, Президентлик сайловлари доимо демократик давлатлар тараққиёти ва фуқароларнинг сиёсий ҳуқуқлари тизимида муҳим ва марказий ўринни эгаллаб келган. Ҳар қандай демократик жамият ўзагини эркин ва адолатли сайловлар ташкил этади. Айнан мазкур танлов орқали фуқаролар бевосита ёки ўзлари сайлаган вакиллари тимсолида давлат ва жамият ҳаётини бошқариш имконига эга бўладилар.

Ўзбекистон Республикаси Президентлигига Халқ демократик партиясидан номзод Улуғбек Иноятовнинг Сайловолди дастурида фуқаролик жамияти институтларининг фаолиятини такомиллаштириш масалалари ҳам четда қолмаган. Унда **фуқаролик жамияти институтларининг давлат бошқарувидаги бевосита иштирокини кенгайтириш, давлат функцияларини босқичма-босқич нодавлат институтларга топшириш** каби ташаббусларни эътироф этиш жоиз.

Ҳар бир шахс ўз фаолиятини амалга оширадиган экан, биринчи навбатда, ушбу фаолият билан шуғулланиш жараёнида унинг ҳуқуқлари, манфаатлари, жавобгарлик масалаларини тартибга солиш ҳуқуқий база етарлими, деган савол туғилиши табиий. Бу борада Ўзбекистон Республикасида нодавлат нотижорат ташкилотларнинг эркин фаолият олиб боришлари қонуний кафолатланган бўлиб, нодавлат нотижорат ташкилотларининг фаолияти янги тахрирдаги Конституцияимизнинг 72-моддасида ҳамда бир неча

норматив-ҳуқуқий ҳужжатлар билан атрофлича кафолатланди.

Бугунги кунда юртимизда 9 мингдан ортиқ нодавлат нотижорат ташкилотлари фаолият олиб боради. Шу ўринда фуқаролик жамиятининг бошқа институтлари амалга ошираётган турли лойиҳалар, ижтимоий адолат йўлидаги дадил таклиф ва ташаббусларни қўллаб-қувватлаш ҳамда уларни иқтисодий-ижтимоий ҳаётнинг чин маънода фаол иштирокчисига айлантиришимиз жуда муҳим. Бу жамиятда турли қатламлар ўртасида манфаатлар мутаносиблигини таъминлашга, ижтимоий тенгликни қарор топтиришга яқиндан кўмаклашади.

Номзод дастурида ҳам фуқаролик жамияти институтларини маҳаллий миқёсда қўллаб-қувватлаш, туманлардаги нодавлат нотижорат ташкилотларининг фаолиятини кенгайтиришга алоҳида эътибор қаратилган.

Айтиш жоизки, бугун ҳаётимизни замонавий ахборот-коммуникация технологияларисиз тасаввур қила олмаймиз. Рақамли технологиялар, сўнги паллада сунъий интеллектнинг барча жаҳага шиддат билан кириб бораётгани, инсоният тафаккури кун сайин илдамлаётгани бу соҳага жиддий ёндашуви талаб қилмоқда. Замонавий дунёни тушунишда, энг илғор ITдан фойдаланишда ёшлар, албатта, катталарга қараганда пешқадам.

Шу жиҳатдан олганда, ёшларнинг мамлакат ҳаётидаги фаоллигини таъминлаш борасидаги ташаббуслар устуворлик касб этади.

Давлат бошқарувида, давлат хизматларини кўрсатишда, давлат хизматчиларининг салоҳияти ва маҳсулдорлигини баҳолаш кабиларга ахборот-коммуникация технологиялари кириб келди. Бу йўналишларда, юқорида таъкидлаганимиздек, ёшлар анча илғор. Шунинг учун давлат ва ҳукумат бошқарувида замонавий ахборот технологияларини жорий этиш асносида ёшларнинг куч ва салоҳиятидан фойдаланиш мамлакат равнақи учун ижобий самара беради.

Хулоса шуки, мамлакат етакчилигига номзод дастури партиямиз бирлашмалари, фаоллари ва электорати томонидан билдирилган минглаб таклифлар орасидан давлатчилик ривожига ва жамият фаровонлигига учун энг долзарб, деб топилганлари асосида шакллантирилган.

SAYLOV



ПРЕЗИДЕНТЛИККА НОМЗОД САЙЛОВЧИЛАР БИЛАН УЧРАШУВЛАР ЎТКАЗМОҚДА

Президентликка номзод Сайловолди дастуридаги устувор йўналишларга тўхталиб ўтди.

Жумладан, дастурда кучли ижтимоий сиёсат, ижтимоий йўналтирилган бозор иқтисодиёти, товар ва хизматларнинг ижтимоий мақбуллиги, ижтимоий тенгликка асосланган демократия, суд-ҳуқуқ ислохотларига оид 9 та устувор йўналиш бўйича аниқ ва манзилли таклиф ҳамда ташаббуслар илгари сурилган.

Очиг, самимий мулоқот руҳида ўтган учрашувда сайловчилар ўзларини қизиқтирган саволлар билан мурожаат қилди.

СИРДАРЁДА МУЛОҚОТ

Номзоднинг яна бир учрашуви Сирдарё вилоятида бўлиб ўтди. Сайловолди учрашувида талабалар, жамоат ташкилотлари, фуқароларнинг ўзини ўзи бошқариш органлари вакиллари, маҳаллий кенгашлар депутатлари, партия фаоллари иштирок этди.

Хусусан, кучли ижтимоий сиёсат юриштининг аҳолини ижтимоий ҳимоя қилишдаги аҳамияти ҳақида фикр юритилди.

Дастурда ёшлар учун таълим кафолатларини мустаҳкамлаш, ижтимоий йўналтирилган бозор иқтисодиёти, товар ва хизматларнинг ижтимоий мақбуллиги, ижтимоий тенгликка асосланган демократия, суд-ҳуқуқ ислохотлари каби 9 та устувор йўналиш бўйича таклиф ҳамда ташаббуслар илгари сурилган.

Бундан ташқари, дастурда ҳар бир инсоннинг бирламчи ҳаётини эҳтиёжларига етадиган энг кам истеъмол хара-

Сайловолди учрашувида талабалар, жамоат ташкилотлари, фуқароларнинг ўзини ўзи бошқариш органлари вакиллари, маҳаллий кенгашлар депутатлари, партия фаоллари иштирок этди.

жатларини қонун даражасида белгилаш, ушбу мақсадда "Энг кам истеъмол харажатларини белгилаш тартиби тўғрисида" қонунни қабул қилиш таклиф этилган.

Очиг, самимий мулоқот руҳида ўтган

Уч-
Давоми, бошланиши 1-бетда.



рашувда сайловчилар ўзларини қизиқтирган саволларга Президентликка номзоддан жавоб олишди.

Шунингдек, сўзга чиққан фаоллар Халқ демократик партиясидан Президентликка номзод дастурини қўллаб-қувватлашга чақирди. Сирдарёликлар сайловда фаол иштирок этиши ҳақида фикрлар билдирди.

НАВБАТДАГИ МАНЗИЛ САМАРҚАНД ВИЛОЯТИ БЎЛДИ

Депутатлар, партия фаоллари, ёшлар, жамоатчилик вакиллари иштирок этган учрашувда Халқ демократик партиясидан Президентликка номзод Улуғбек Иноятов сайловчилар билан мулоқот олиб борди.

Учрашувда номзод ўз дастури билан таништирди. Йўналишлар кесимида илгари сурилган таклифларига тўхталиб ўтди. Иштирокчилар ҳам ўз фикрларини билдирди.

Зайнаб БЕРДИЕВА, Каттақўрғон тумани

20-умумий ўрта таълим мактаби директори:

— Президентликка номзод дастурини эшитиб ўтириб, айрим жиҳатларни ўзимга белгилаб олдим. Дастурда бугун мамлакатимизда ижтимоий ҳимоя борасида олиб борилаётган ислохотларга мос таклифлар

берилган, деб ҳисоблайман.

Номзод тартибга солинмаган пиёдалар ўтиш йўлакларини хатловдан ўтказиб, светофорлар билан жиҳозлаш бўйича дастур қабул қилишни таклиф қиялпти. Бу муҳим ижтимоий таклиф, деб ўйлайман. Чунки аксарият мактабларимиз автомобиль йўлларида жуда яқин масофада жойлашган. Шу боисдан номзод таклифини қўллаб-қувватлайман ва барчани сайловда фаол бўлишга чақираман.

Лола БЎЛАКОВА, ЎзХДП Иштихон туман кенгаши раиси:

— Дастурдаги таклифлар ижтимоий масалаларни ҳал этишда муҳим аҳамият касб этади.

Хусусан, тиббий сугўртани босқичма-босқич жорий қилиш ва тиббий хизматларни рақамлаштириш, электрон рецептларга ўтиш борасидаги таклифлар сайловчиларга манзур бўлади, деб ўйлайман.

СУРХОНДАРЁДА ОЧИҚ МАЙДОНДА

Ўзбекистон Халқ демократик партиясидан номзод Улуғбек Иноятов сайловчилар билан кейинги учрашувини Сурхондарё вилоятида давом эттирди. Учрашув Термиз шаҳридаги Термиз давлат университети олд майдонда бўлиб ўтди.

Мулоқотда талаба-ёшлар, жамоат ташкилотлари, фуқароларнинг ўзини ўзи бошқариш органлари вакиллари, маҳаллий кенгашлар депутатлари, партия фаол-

лари иштирок этишди.

Учрашувни Ўзбекистон Халқ демократик партиясидан Сурхондарё вилоят кенгаши раиси Алишер Пардаев олиб борди. Номзоднинг ишончли вакили Мавжуда Ҳасанова сайловчиларга номзоднинг таржимаи ҳоли ҳақида батафсил маълумот берди.

Президентликка номзод Сайловолди дастурида белгиланган устувор йўналишларга тўхталиб, бўлажак сайлов учун электорат манфаатлари ва дастурий мақсадларидан келиб чиқиб, қуйидан юқорига тизими асосида таклифлар ҳар томонлама чуқур таҳлилдан ўтказилгани, кенг қамровли дастур ишлаб чиқилганини таъкидлади. Дастурда тўққизта йўналиш орқали юзга яқин ғоя ва ташаббуслар илгари сурилмоқда.

Хусусан, дастурда ижтимоий ҳимояни кафолатлаш, ҳуқуқлар, имкониятлар тенглигини таъминлаш, кучли ижтимоий сиёсат юритиш, ижтимоий йўналтирилган бозор иқтисодиётини шакллантириш, қонун устуворлигига қатъий риоя этиш, давлат ва жамият бошқарувини халқ ҳокимиятчилиги тамойиллари асосида янада демократлаштириш билан боғлиқ ғоя ва ташаббуслар илгари сурилмоқда.

Номзод дастуридаги ҳар бир таклифни атрофлича тушунтириб берди.

Очиг, самимий мулоқот руҳида ўтган учрашувда сайловчилар ўзларини қизиқтирган саволлар билан Президентликка номзодга мурожаат қилдилар.

Хусусан, адолатли пенсия тизими бўйича нималарни таклиф қиялпсиз, деган саволга жавобан номзод барча фуқаролар учун адолатли давлат пенсия таъминоти тизимини жорий қилиш муҳимлиги, жумладан, эр ёки хотини вафот этганда ҳамда вафот этган шахс кўпроқ пенсия олган тақдирда, ушбу пенсияни унинг ҳаёт бўлган турмуш ўртоғига ўтказиб бериш (пенсияни алмаштириш) тартибини жорий этиш масаласи илгари сурилаётганини, бу ҳам инсонийлик, ҳам ижтимоий ҳимоя нуқтаи назардан тўғри бўлишини таъкидлади.

Учрашув давомида сайловчилар дастур, ундаги таклиф ва ташаббуслар ҳақида фикр-мулоҳазаларини билдирдилар. Сўзга чиққан фаоллар Халқ демократик партиясидан Президентликка номзод дастурини қўллаб-қувватлашга, сайловда фаол фуқаролик позициясини намоён этган ҳолда иштирок этишга даъват қилишди.

Ўзбекистон Халқ демократик партиясидан Ахборот хизмати.



ЎЗБЕКИСТОН ХАЛҚ ДЕМОКРАТИК ПАРТИЯСИДАН ЎЗБЕКИСТОН РЕСПУБЛИКАСИ ПРЕЗИДЕНТЛИГИГА НОМЗОД УЛУҒБЕК ИНОЯТОВНИ ҚЎЛЛАБ-ҚУВВАТЛАНГ!

TAKLIF

150 МИНГ ТОННА

**ЗАРАРЛИ
ЧИҚИНДИ
ГАЗЛАР
АЖРАЛИБ
ЧИҚИШИ ОЛДИ
ОЛИНАДИ**



Бугунги кунда иқлим ўзгаришининг таъсирини камайтириш ва унга мослашиш, "яшил" иқтисодиётга ўтишни жадаллаштириш ва уни тарғиб қилишга катта эътибор қаратилмоқда.

Хусусан, иқлим ўзгариши туфайли юзага келаётган салбий ҳолатлар иқтисодий ўсишни таъминлашда янада барқарор манбалар ва ёндашувларни қайта кўриб чиқиш, хусусан, мамлакатда "яшил" иқтисодий ўсиш бўйича стратегик мақсадлар ва чора-тадбирлар амалга оширилишини самарали ташкил этиш заруриятини кўрсатмоқда.

2030 йилга қадар иссиқхона газларини 2010 йилги кўрсаткичларга нисбатан 35 фоиз камайтириш бўйича ишлар олиб борилмоқда.

– "Яшил" технологияларни барча

соҳаларга фаол жорий этишда электромобилларни оммавийлаштириш ва унинг инфратузилмасини ривожлантиришга муҳим омил сифатида қаралмоқда. Бугунги кунда Ўзбекистонда рўйхатга олинган енгил автомобилларнинг 8 мингга яқинини ёки 0,2 фоизини электромобиллар ташкил этади, – дейди Иқтисодиёт ва молия вазирлигининг Иқтисодиётда тармоқлараро ресурслар тақсими ва моддий ресурс балансларини шакллантириш департаменти директори ўринбосари Кувончбек Мустафоев. – Ҳозирги кунда электромобилларни қувватлантириш станцияларини ўрнатиш ва хизмат кўрсатиш билан шуғулланувчи корхоналар томонидан республика ҳудудидида жами 140 та қувватлантириш станциялари ўрнатилган.

Халқаро энергетика агентлигининг 2023 йил ҳисоботига кўра, бир дона электромобилни қувватлантириш станцияси ҳиссасига Германияда 26 та, АҚШда 24 та, Японияда 15 та, Хитойда 8 та, Ҳиндистонда 7 та, Кореяда 2 та ҳамда Ўзбекистонда 56 та электромобиль тўғри келади.

Хусусан, 100 километр масофага электромобиль 15 кВт.с электр энергия сарфлаши инobatга олинса (жамoат жойларида қувватлантириш станциясида қувватлантирилганда 25,5 минг сўм), ички ёнув двигателга эга автомобиль эса 10-11 литр (75-100 минг сўм) ёқилғи сарфлайди.

Электромобилларнинг асосий афзалликлари, биринчидан, экологик жиҳатдан тоза бўлиб, атроф-муҳитга чиқинди газ-

лари ва зарарли моддалар чиқармайди. Электромобиллардан фойдаланишда фақатгина уни қувватлантиришнинг ўзи кифоя қилади, бугунги кунда улар доимий равишда такомиллашиб бормоқда.

Иккинчидан, электромобиллардан фойдаланиш харажатлари паст, электр транспорт воситаларига хизмат кўрсатиш ва таъмирлаш нархи ҳам арзон – улар камроқ эҳтиёт қисмларга эга.

Учинчидан, электр транспорт воситалари шовқинсиз, тезлик жадаллик билан оширилганда ҳам овози деярли ўзгармайди, бу уларни бошқаришда янада қулайлик туғдиради. Шовқиннинг йўқлиги – электромобилга эндигина ўтган ҳайдовчилар ва йўловчилар учун энг сезиларли ўзгаришдир.

Тўртинчидан, келажак билан ҳамнафас бўлиш, сайёрамиздаги бугунги кундаги иқлим ўзгаришларини ҳисобга олганда электромобиллар келажак транспорти ҳисобланади.

Халқаро энергетика агентлиги тадқиқотларига асосан ички ёнув двигателига эга бўлган бир дона енгил автомобилдан атмосферага ажраладиган зарарли чиқинди газлар миқдори бир йилда 3,4 тонна ташкил этади. Ўз ўрнида, республика ҳудудидида 2025 йилга бориб электромобиллар ҳисобига 150 минг тонна зарарли чиқинди газлар ажралиб чиқилишининг олди олиниши кутилмоқда.

**Шўҳрат ИСЛОМОВ
сўхбатлашди.**

Чўмилиш ҳавзаларидаги ифлосланган сув хавфли касалликларни келтириб чиқаради



Ёзнинг жазирама кунларида кўпчилик сув ҳавзаларида вақт ўтказишни ҳуш кўради. Айниқса, болажонлар учун бу мароқли машғулот. Аммо чўмилиш чоғида нафақат хавфсизлик, балки саломатлик қоидаларига ҳам амал қилиш ўта муҳим талаб.

Ботир Тожиев, Республика эпидемиология, микробиология, юқумли ва паразитар касалликлар илмий-амалий тиббиёт маркази директори:

– Чўмилиш ҳавзаларидаги ифлосланган сув ўткир вирусли ичак инфекциялари, гепатит (А,Е), ичбуруғ, ичтерлама, лямблиоз каби хавфли касалликларни келтириб чиқаришини унутмаслик даркор.

Одатда вирус зарралари сувга беморнинг нажаси, қусиқ моддалари ва ювилмаган қўллари орқали тушиб, ифлосланган ҳавзада тахминан 2 ой ва ундан кўпроқ сақланади.

Бироқ касаллик кўзгатувчилари кўпроқ иссиқ ҳароратга мослашувчан бўлгани боис, ёз фаслида уларнинг концентрацияси ва яшаш давомийлиги узаяди. Яъни бундай паразит ва микроблар ҳарорат юқорилаган даврда 180 кундан ортиқ жон сақлаши мумкин.

Чўмилиш чоғида сув ютиш инфекциянинг оғиз орқали организмга тушиб, кўпайиб, гастроэнтерит, яъни ошозон ва ингичка ичак шиллиқ қаватида яллиғланишни юзага келтиради.

Касаллик белгилари тахминан 12-48 соат оралиғида намоён бўлиб, ҳолсизлик, кўнгил айниши, қусиш, тана ҳарорати

кўтарилиши, ич кетиши, қорин дам бўлиши каби аломатлар кузатилади.

Бинобарин, очиқ сув ҳавзаларида чўмилиш турли тери касалликлари, бурун, оғиз ва қўлоқ шиллиқ қаватлари яллиғланишига ҳам олиб келиши эҳтимоли мавжуд.

Шу боис, аввало, тақиқланган, ифлосланган, текширилмаган ва нотаниш сув ҳавзаларига тушмаслик, руҳсат этилган жойларда чўмиладиган ҳам, иложи борича сув ютмаслик ва бурундан сув кирмаслигига диққат қилиш лозим.

Сунъий сузиш ҳавзалари ҳам ҳаммиса бу хавфдан холи бўлавермайди. Шу сабабли уларнинг тозаллигига, суви ўз вақтида алмаштирилганига аҳамият қаратиш лозим.

Агар бундай ҳовузлар кафеелари сирпанчиқ бўлса, бу сув эскирганидан далолат беради.

Қуёш нури фаол бўлган паллада (12:00 дан 16:00 гача) офтоб тигидан сақланиш керак. Негаки, ультрабинафша нурларининг давомий таъсири даставвал катарактага, бора-бора кўз нурлари бутунлай йўқолишига сабаб бўлади.

Ўз навбатида, айни шу омил туфайли аллергик реакциялар, тери саратони юзага келиши хавфи ҳам мавжуд.

Бундан ташқари, бассейн суви совуқ бўлмаслиги ҳам муҳим. Чунки бундай ҳарорат томир тортишишига олиб келиши мумкин. Очиқ ҳавзаларда чўмилиш вақтида ва ундан кейин касаллик белгилари юзага келса, дарҳол шифокорга мурожаат қилиш тавсия этилади.

**Соғлиқни сақлаш вазирлиги
Матбуот хизмати.**

БИЛАСИЗМИ?



Хусусий пудрат ташкилотлари томонидан тайёр ҳолда топшириш шартсиз қурилган уйлардаги квартираларни (хоналарга бўлинган ва пардоз ишларига тайёр) бирламчи уй-жой бозорида сотиб олиш учун ипотека кредитларини ажратишга ҳамда улар бўйича ва ипотека кредити бўйича фойзаларнинг бир қисmini қоплаш учун субсидия тўлашга руҳсат берилган.



Кимё ва биология фанларидан билимларни баҳолаш бўйича миллий сертификатлаш тизими жорий қилинган.

Миллий сертификатлаш тизими доирасида:

– кимё ёки биология фанларини билиш даражасини аниқлаш ва бу тўғрисида миллий малака сертификатларини бериш Давлат тест маркази томонидан амалга оширилади;

– кимё ёки биология фанларини билиш даражасини аниқлаш табақалаштирилган ҳолда амалга оширилади;

– имтиёз берилмайдиган даражадаги миллий сертификатга эга умумтаълим мактаб, академик лицей ва касб-ҳунар мактаби ўқувчилари давлат ОТМга ўқишга киришда кимё ёки биология фанидан тест синови топширишдан озод этилади ҳамда унга тегишлилигига кўра кимё ёки биология фани учун белгиланган максимал балл берилди.



Меҳнат шартномасига қуйдагиларни киритиш ҳақиқий эмас:

– ҳодимнинг ҳолатини меҳнат тўғрисидаги қонунчиликка ва меҳнат ҳақиқидида бошқа ҳуқуқий ҳужжатларга нисбатан ёмонлаштирадиган;

– меҳнат ва машғулотлар соҳасида камситишни тақиқлаш тўғрисидаги талабларни бузадиган;


– мажбурий меҳнатни тақиқлаш ҳақиқидида талабларни бузадиган;

– ҳодимни қонунга хилоф ҳаракатларни ёки ҳам ҳодимнинг, ҳам бошқа шахсларнинг ҳуқуқларини бузадиган, ҳаёти ва соғлиғига таҳдид соладиган, шаънига, қадр-қимматига ёки ишчанлик обрўсига путур етказадиган ҳаракатларни амалга оширишга мажбурилайдиган шартлар.

Меҳнат шартномаси айрим шартларининг ҳақиқий эмаслиги меҳнат шартномасининг умуман ҳақиқий эмаслигига сабаб бўлмайди.



Қонунчиликка кўра, Оила ва хотин-қизлар қўмитаси ўз ваколатлари доирасида хотин-қизларнинг ҳуқуқлари ва қонуний манфаатларини кўзлаб судларга аризалар (шикоятлар) ва даъволар бериши белгиланган ва мазкур мақсадларда берилмайдиган аризалар, шикоятлар ва даъволар юзасидан Фуқаролик ишлари бўйича судларда ҳамда Маъмурий судларда давлат божини тўлашдан озод қилинади.



Қонунчиликка кўра, асосий фаолияти қуёш ва шамол электр станциялари ҳамда кичик гидроэлектр станциялар қурилмаларини ишлаб чиқариш бўлган юридик шахслар, шу жумладан, 2025 йил 1 сентябрга қадар янги ташкил этиладиган шундай юридик шахслар тадбиркорлик субъекти сифатида давлат рўйхатидан ўтказилган кундан бошлаб 3 йил муддат давомида юридик шахсларнинг фойда солиғи ҳамда мол-мулк солиғини белгиланган ставкаларнинг 50 фоизи миқдориди тўлайди.

“ҚИШЛОҚ ҚУРИЛИШ БАНК” КРЕДИТЛАРИ АҲОЛИНИ ИШ БИЛАН ТАЪМИНЛАШГА ХИЗМАТ ҚИЛМОҚДА

ДУНЁНИНГ ТУРЛИ НУҚТАЛАРИДА СОДИР БЎЛАЁТГАН ВОҚЕА-ҲОДИСАЛАР ЖАҲОНДАГИ КЎПЛАБ ДАВЛАТЛАРНИНГ ИҚТИСОДИЁТИГА ЎЗИНИНГ САЛБИЙ ТАЪСИРИНИ КЎРСАТМОҚДА. ШУ БОИСДАН БУГУНГИ КУНДА ДАВЛАТИМИЗ ТОМОНИДАН КИЧИК ВА ЎРТА БИЗНЕСНИ РИВОЖЛАНТИРИШ ОРҚАЛИ АҲОЛИНИ МУҚИМ ИШ ЎРИНЛАРИ БИЛАН ТАЪМИНЛАШГА АЛОҲИДА ЭЪТИБОР ҚАРАТИЛМОҚДА. БУНДА УЛАРНИНГ БИЗНЕС ВА ИНВЕСТИЦИЯВИЙ ЛОЙИҲАЛАРИНИ МОЛИЯЛАШТИРИШДА ТИЖОРАТ БАНКЛАРИ МУҲИМ АҲАМИЯТ КАСБ ЭТАДИ. БИЗ БУ ҲАҚДА БЕЖИЗГА ТЎХТАЛМАДИК. БОИСИ, ЯҚИНДА АТБ “ҚИШЛОҚ ҚУРИЛИШ БАНКИ” ТОМОНИДАН ОММАВИЙ АХБОРОТ ВОСИТАЛАРИ УЧУН СИРДАРЁ ВИЛОЯТИГА ПРЕСС-ТУР ТАШКИЛ ЭТИЛДИ. ЭЪТИБОРИМНИ ТОРТГАН ЖИҲАТ ШУ БЎЛДИКИ, ВИЛОЯТДА БАНКНИНГ МОЛИЯВИЙ КЎМАГИДА АМАЛГА ОШИРИЛАЁТГАН ИНВЕСТИЦИЯВИЙ ЛОЙИҲАЛАРНИНГ АМАЛИЙ НАТИЖАЛАРИ БУГУН ЎЗИНИНГ САМАРАСИНИ БЕРАЁТГАНИГА ГУВОҲ БЎЛДИК.



» **Тадбирда иштирок этаётган журналистларнинг дастлабки манзили Гулистон шаҳридаги “Омон-medfarm” масъулияти чекланган жамияти бўлди. Бу ерда иштирокчилар АТБ “Қишлоқ қурилиш банк” мижози томонидан бунёд этилган аҳолига тиббий хизматлар кўрсатиш ҳамда дори-дармон ва тиббий буюмлар ишлаб чиқаришга оид лойиҳа билан танишди.**

шу соҳада илмий ишлар қилмоқчиман.

Пресс-тур қатнашчиларининг иккинчи манзили АТБ “Қишлоқ қурилиш банк” Гулистон банк хизматлари офисининг яна бир мижози “Hotel Dunyo” масъулияти чекланган жамияти бўлди. Аслида ҳам юртимиз ўз мўъжизавийлиги билан хорижлик меҳмонлар назарига тушган. Шу боисдан, туризмнинг ривожланишида сифатли ва қулай меҳмонхоналарнинг муҳим ўрни бор. Бу йўналишда ҳам банк тадбиркорларга меҳмонхоналар

қуриш учун молиявий ёрдамини кўрсатиб келмақда. Хусусан, мазкур жамиятга ҳам банк томонидан кўрсатилган молиявий кўмак эвазига Гулистон шаҳар, “Намуна” МФЙ, Халқлар дўстлиги кўчасида меҳмонхона, ресторан ва фотозонани ўз ичига олган аҳолига хизмат кўрсатиш маркази бунёд этилган. Ушбу кўп тармоқли хизмат кўрсатиш лойиҳасини молиявий қўллаб-қувватлаш мақсадида ёш тадбиркорга банк томонидан 1 миллиард сўм кредит ажратилган. Мазкур кредит маблағлари ҳисобидан фотосессия заллари ва меҳмонхона жиҳозланган. Энг асосийси, 30 та янги иш ўрни яратилган.

Пресс-тур дастурига мувофиқ, кейинги манзил “Bog`ishamol tezkor madad” МЧЖ томонидан фаолияти йўлга қўйилган Болалар клиникаси бўлди.

– Тадбиркорликни ўзига касб қилганлар яхши билишадики, ҳар бир каттароқ бизнес лойиҳани амалга оширишда молиявий жиҳатдан қўллаб-қувватловчи яқин ҳамкорга эҳтиёж сезади, – дейди “Bog`ishamol tezkor madad” масъулияти чекланган жамияти раҳбари Қандолат Шарипов. – Тадбиркорлик фаолиятини, яъни бизнесини кенгайтириш учун дўстларим ва яқин таниш-билишлардан ўрни келганда молиявий жиҳатдан ёрдам бериб туришини сўраган вақтларим ҳам бўлган. Аммо, улардан ёрдам бўлмаган. Шундай пайтларда фақат тижорат банклари сенга беминнат яқин кўмакчи бўлар экан. АТБ «Қишлоқ қурилиш банк»нинг молиявий кўмаги эвазига бугун жамиятимиз фаолиятини кенгайтириб, Болалар клиникаси фаолиятини ҳам йўлга қўйди. Бунда «Қишлоқ қурилиш банк»нинг ҳиссаси катта. Аслида, тадбиркорликни бошлаганимдан буён ушбу банк мени молиявий жиҳатдан ҳар доим қўллаб-қувватлаб келмоқда. Мисол учун, мана шу Болалар клиникасини жиҳозлаш ва тиббий

ускуналар олиб келиш учун банк томонидан 1 миллиард сўм кредит ажратилди. Айти пайтда 7 нафар малакали шифокор 100 дан ортиқ беморга 10 га яқин йўналишда малакали тиббий хизмат кўрсатиб келмоқда. Бундан ташқари, кейинги йилдан бошлаб, тиббий хизмат турларини кўпайтиришни режа қилиб турибмиз. Агар ушбу режамизни амалга оширсак, яъни тўлиқ қувватда ишларимизни ташкил қилсак яна 15 нафар мутахассисни иш билан таъминлаган бўламиз.

Пресс-турнинг сўнгги лойиҳаси “Beton sanoat” хусусий корхонаси томонидан Гулистон шаҳрида фойдаланишга топширилган “Саховат” савдо-кўнгилочар маскани бўлди. «Қишлоқ қурилиш банк» ушбу лойиҳани қўллаб-қувватлаш мақсадида 10 миллиард сўмлик кредит ажратган. Ушбу молиявий кўмак эвазига корхона 500 га яқин янги иш ўрни яратгани ҳар жиҳатдан эътиборга моликдир. “Саховат” савдо-кўнгилочар масканида замонавий болалар майдончасининг иш бошлагани шаҳар аҳолиси ва меҳмонларининг болажонлари учун қувончли воқеа бўлганини оммавий ахборот воситалари ходимларининг ўзлари гувоҳи бўлишди. Кўнгилочар масканида болажонларнинг кўзларидан порлаб турган қувонч ва уларнинг бахтиёрликдан беғубор шўх-шодон кулгулари эса тадбир иштирокчиларининг хотирасида анчагача сақланиб қолишига шубҳа йўқ.

Биз сўз билан айтганда, пресс-тур давомида журналистлар ҳудудларни ижтимоий-иқтисодий ривожлантиришда «Қишлоқ қурилиш банки» қўшаётган амалий ҳисса, татбиқ қилинаётган лойиҳалар ҳисобига фермер ва тадбиркорларимиз қўшимча даромад манбаларига эга бўлиш билан бирга, янги иш ўринлари яратётганига гувоҳ бўлишди.

**Таштемир ХУДОЙҚУЛОВ,
“Ўзбекистон овози” муҳбири.**

Айти пайтда Сирдарё вилоятида АТБ “Қишлоқ қурилиш банк”нинг 2 та банк хизматлари офиси, 3 та банк хизматлари кўрсатиш маркази, 2 та ипотека шўъба маркази фаолият кўрсатмоқда. Шунингдек, 5 та чакана амалиётлар кассаси ва валюта айирбошлаш шаҳобчалари мавжуд бўлиб, улар орқали вилоятда жами 91 минг 565 нафар жисмоний ҳамда 4 минг 524 нафар юридик шахсга сифатли банк хизматлари кўрсатилмоқда.

Пресс-турда журналистларга вилоятдаги банк тузилмалари эришаётган иқтисодий кўрсаткичлар ҳақида ҳам маълумот берилди. Хусусан, жорий қилинаётган янги хизматлар ва мижозлар учун яратилган шароитлар билан атрофдаги таништирилди. Кўрилатган чоралар натижасида хизматлар қўлами кенгайиб, банк мижозлари сони муттасил ошиб бораётгани қайд этилди.

Тадбирда иштирок этаётган журналистларнинг дастлабки манзили Гулистон шаҳридаги “Омон-medfarm” масъулияти чекланган жамияти бўлди. Бу ерда иштирокчилар АТБ “Қишлоқ қурилиш банк” мижози томонидан бунёд этилган аҳолига тиббий хизматлар кўрсатиш ҳамда дори-дармон ва тиббий буюмлар ишлаб чиқаришга оид лойиҳа билан танишди.

– “Қишлоқ қурилиш банки”нинг 20 миллион АҚШ доллари миқдоридagi кредит маблағи эвазига жамиятимизга Хитой давлатидан дори-дармонлар ишлаб чиқаришга мўлжалланган тиббиёт соҳасидаги энг сўнгги технологиясининг асбоб-ускуналарини харид қилдик, – дейди “Омон-medfarm” масъулияти чекланган жамияти директори Ҳамро Саидаъзамов. – Ҳозирда ушбу технологиялар асосида тиббиётда зарур бўлган 20 турдаги дори-дармон воситаси, яъни таблетка ва ампулаларни ишлаб чиқармоқдамиз. Шу ўринда яна бир фикрни айтиб ўтмоқчи

эдим. Тиббиёт корхонамиз жорий йил январь ойидан иш бошлади ва ҳозирда 350 нафар ходимни иш билан таъминладик. Келгусида ишлаб чиқариш ҳажмини кенгайтириш ҳисобидан иш ўринлари сонини 1000 тага етказишни режалаштирганмиз. Янада аниқроқ айтадиган бўлсам, 200 турдаги дори-дармон маҳсулотини ишлаб чиқариш ниятидамиз.

Журналистлар корхонада дори-дармон воситаларининг ишлаб чиқариш жараёнлари билан бевосита танишиб, корхона директори билан суҳбатлашиб жараёнида ўзларини қизиқтирган бошқа саволларига ҳам атрофича жавоб олишди. Шунингдек, иштирокчилар корхона ишлаб чиқараётган маҳсулотларни доимий равишда синовдан ўтказиб турадиган махсус лаборатория фаолияти билан ҳам танишишди.

– Маҳалламиз ҳудудда тиббиёт корхонаси ташкил бўлмасдан олдин ўзим тенги қизлар ҳамда кўплаб оилали аёллар ишсиз эди, бугун эса уларнинг кўпчилиги ушбу корхонада ишлашмоқда, – дейди Юлдуз Аманова. – Коллежни тамомлаганимдан сўнг, университетда таҳсил олиш учун бир неча бор тест топширдим, аммо, ўта олмадим. Шундан сўнг, бирон иш бўлса ишлаб оиламиз даромадига ўзимнинг ҳиссамни қўшардим, деб ўйлаб юрардим. Ўзингиз яхши биласиз, ўзбекчиликда, қиз болани уйдан узоқда ишлашига ота-онаси унча-мунчага рози бўлавермайди. Шу йил январдан бу корхонанинг иш бошлагани мен тенги қанчалаб қиз ва аёлларнинг орзуси амалга оширганини тасаввур ҳам қила олмайсиз. Корхонага ишга кирдим. Ишлаб олаётган маошим оиламизга анча фойдаси тегмоқда. Бу ерда ҳозирда кузатувчи бўлиб ишлаётганим боис, фармацевтика соҳасига қизиқишим ортди. Шу боисдан, яқинда фармацевтика йўналишидаги олий таълим даргоҳига ўқишга кириб,



TAQDIMOT

+35 Корақалпоғистон Республикаси Хоразм | +37 Бухоро Навоий | +35 Тошкент Самарқанд Жиззах Сирдарё | +37 Қашқадарё Сурхондарё | +34 Андижон Наманган Фарғона | +37 Тошкент шаҳри

t.me/uzbekiston_ovozi_gazetasi | facebook.com/uzbekistonovozi | instagram.com/uzbekiston_ovozi | info@uzbovozi.uz | www.uzbovozi.uz



ЗАРАФШОНДА ЎЗБЕКИСТОНДАГИ ИЛК ШАМОЛ ТРУБИНАСИ ЎРНАТИЛДИ

13 июнь куни Зарафшон шаҳрида Ўзбекистон Республикасидаги биринчи шамол турбинаси ўрнатилишини нишонлаш тадбири бўлиб ўтди. Биринчи шамол турбинасининг қуввати 4,7 МВт, баландлиги 97 метр. Шамол турбиналари парраларининг узунлиги 77 метрни ташкил этади. Ушбу йирик лойиҳа доирасида жами 111 та шамол турбинаси ўрнатилади. 500 МВт қувватга эга лойиҳа 500 мингта хонадонга етарли ҳажмда электр энергияни ишлаб чиқаришни ва атмосферага чиқариладиган карбонат ангидрид чиқиндиларини йилига 1,1 млн. тоннага камайтиришни таъминлаб бериши кўзда тутилган. Мазкур электр станциянинг илк қувватлари жорий йил якунида ишга туширилади ва у Марказий Осиёдаги энг йирик шамол электр станцияси бўлиши кутилмоқда.



ЖАЗИРАМА КУНЛАРНИНГ ТАШВИШИ

Кунларнинг кескин исиб кетиши эвазига, ҳам-юртларимизнинг ёнғин хавфсизлиги талабларига риоя қилинмасликлари оқибатида юз бераётган нохушликлар сезиларли ортган. Ёнғин келиб чиқиш сабаблари таҳлил қилинганда, аксарият ҳолларда аҳоли яшаш жойларидаги ёнғинлар маиший кондиционер ва музлаткичлардан ҳамда тозаланмаган қуруқ ўтларнинг ёнишидан келиб чиқаётганлиги маълум бўлмоқда. Бундай жазирама пайтларда инсон учун қулай шароитлар яратиш мақсадида, ҳавони салқинлатувчи турли электр қурилмалардан, айниқса, кондиционерлардан фойдаланиш даражаси орттирилади. Бирок, кондиционердан узоқ муддат қаровсиз фойдаланиш, электр таъминоти қондаларига риоя этмаслик, битта электр истеъмолчи учун мўлжалланган электр токи манбаларига катта қувватга эга бир нечта истеъмолчиларнинг уланиши, электр кабелларнинг қизиши ва оқибатида қисқа туташувига олиб келиб, ёнғин чиқишига сабаб бўлмоқда. Бунда ёнғинларнинг олдини олиш борасида фуқароларимиз томонидан қуйидаги масалаларга, жумладан, кондиционер ишлаб чиқарувчининг техник шартлари асосида ўз мутахассислари томонидан ўрнатилиши ҳамда кондиционернинг қуввати ҳисобга олинган ҳолда электр симлар ва умумий электр қутисидаги ҳимоя автоматлари ҳисоб-китоблар орқали тўғри танланиши мақсадга мувофиқ. Бундай талаблар маиший музлаткичларга ҳам тааллуқли бўлиб, имкон қадар ўрнатилган хоналар қуёш нуридан ва ҳаво ҳароратининг иссиқ таъсиридан ҳимояланган бўлиши, шунда совутиш тизимининг экстремал ҳолатда тез-тез ишга тушиши олди олинди ва музлаткичнинг хизмат муддати узаяди. Ёзда тутинг, ёнғин хавфсизлиги қондаларига риоя этиш орқали, Сиз ўзингизни ҳамда ақинларингизнинг ҳаёти ва соғлигини ҳамда мол-мулкни ёнғин хавфидан ҳимоя қилган бўласиз.

Бобомурод САБИРОВ,
Архив ва Халқ қабулхонаси биноларида
ЁҲТТЭ бўлинмаси мутахассиси, катта сержант.

“Ўзбекистон ovozi” газетаси таҳририяти жамоаси таниқли журналист, меҳнат фахрийси **Тўхтамурод ТОШЕВ**нинг вафоти муносабати билан марҳумнинг оила аъзолари ва яқинларига ҳамдардлик билдиради.

“УМИД БИЛАН ЯШАГИН”

ЎЗБЕКИСТОН ЁЗУВЧИЛАР УЮШМАСИДА ЎЗБЕКИСТОН РЕСПУБЛИКАСИДА ХИЗМАТ КЎРСАТГАН ЖУРНАЛИСТ САФАР ОСТОНОВНИНГ “УМИД БИЛАН ЯШАГИН” КИТОБИНИНГ ТАҚДИМОТИ БЎЛИБ ЎТДИ. УНДА ТАНИҚЛИ ЖУРНАЛИСТЛАР, ЁЗУВЧИ-ШОИРЛАР, АДАБИЁТШУНОС ОЛИМЛАР, ТАЛАБА-ЁШЛАР ҲАМДА ОАВ ВАКИЛЛАРИ ИШТИРОК ЭТДИ.

“Умид билан яшагин” номли китобни айтиш жоиз бўлса, ҳужжатли қисса дейиш мумкин. У ўтган асрнинг 70-80-йилларида ўзининг публицистик мақолалари, суд очерклари билан газетхонлар меҳрини қозongan. Айнан “Умид билан яшагин” ҳам ўша даврнинг аччиқ қисматлари, афғон урушининг кулфатларига бағишланган бўлиб, унда қаламкаш ҳаётнинг аччиқ фожиаларини маҳорат билан ёритган. Китоб тақдимотида сўзга чиққанлар жасоратли журналист ҳаёти ва ижодининг ибратли жиҳатлари ҳақида хотираларини сўзлаб беришди.

Фармон Тошев, Ўзбекистон Республикасида хизмат кўрсатган журналист:
— У билан биз ака-ука эдик. Фидойи бу инсонни устоз ҳам, деб биламан. Мен у кишидан кўп нарсани ўргандим. Сафар ака доим газетани ўйларди. Янги-янги мавзуларни топарди. Яхши инсон эди...

Муҳаммаджон Обидов, Ўзбекистон Республикасида хизмат кўрсатган журналист:
— Айрим сабабларга кўра, маълум муддат ишсиз қолдим. Сафар ака бундан хабар топиб, мени “Ўзбекистон ovozi” газетасининг Фарғона вилояти бўйича муҳбири вазифасига ишга қабул қилди. Ўн йил бирга ишладик. Қаттиқ бетоб бўлишига қарамасдан водийдаги тадбирга борди. Касаллигини билдирмади. Ўша тадбир у киши билан охириги учрашув бўлишини ҳаёлимга ҳам келтирмаганман. Жойлари жаннатда бўлсин.

Шўхрат Жабборов, Ўзбекистон Республикасида хизмат кўрсатган журналист:
— Сафар ака билан битта бинода ишладик. Ҳар куни кўришиб турардик. У кишининг ёшлар газетасида босилган ҳар бир мақоласи шов-шув бўлар эди. Кейинчалик тақдир тақозоси билан юқори идорада бирга ишладик. Олдида ҳамиша икки-уч киши аризачи бўларди. Эринмасдан уларни тингларди. “Умид билан яшагин” китобини қайта- қайта ўқигингиз келади. Сафар акадан яхши хотиралар қолди.

— Журналист Сафар Остонов ҳақида талабалик давримда эшитган эдим, — деди тадбирда сўзга чиққан **“Вазият” газетаси бош муҳаррири вазифасини бажарувчи Азамат Суюнов.** — Ҳозирги ЎЗМУ журналистика факультети домлалари – профессор Очил Тоғаев, доцентлар Сайди Умиров, Бойбўта Дўстқороев ва бошқалар дарс жараёнида таниқли публицистлар қаторида унинг ижодига ҳам илиқ муносабат билдиришарди. Чунки, ўтган асрнинг 70-80-йиллари Сафар ака долзарб мақолалари билан танилган эди. Унинг турли мавзулардаги ўткир суд очеркларини газетхонлар интиқлик билан куттишарди. Бундай ишонч ва эътиборга у тинимсиз меҳнатлари, изланишлари, муаммоларни ҳолисона ёритганлиги учун эришди.

Мен ҳам ёшлар газетасида энди иш бошлаган кезларим ёзганларимни устозга кўрсатиб олардим. “Азамат, мавзуни яхши танлагансиз. Бирок ёзганларингиз таҳрирталаб, озгина меҳнат қилиш керак. Сўзларни увол қилмас-

лик лозим”, деб танбех берарди. Устознинг бу гаплари сира малол келмасди. Аксинча, у кишидан тузукроқ мақолалар ёзишни, таҳрир қилишни ўргандик. Таҳририятимизга баъзан жуда қалтис мавзуларга оид мақолалар келганда бош муҳарриримиз “Буни Сафар Остондан бошқа ҳеч ким эплай олмайди”, деб мақолани ҳамманинг кўз ўнгида у кишига берарди. Шундай инсон билан бирга ишлаганимдан, шогирд бўлганлигимдан фахрланаман.

— Ёзувчилар уюшмасидаги кўп тадбирларда қатнашганман. Иштирокчилар сони унча кўп бўлмасди, — деди **“Умид билан яшагин” китобини нашрга тайёрлаш ва чоп этишда ташкилотчилардан бири бўлган Норқобил Жалил.**

— Бугунги тақдимотда эса зал тўла. Бу Сафар Остоновнинг ижоди ва ҳаётига қизиқиш катта эканлигидан далолат. Ўқувчилар меҳрини қозониш, бир-биридан долзарб мақолалар ёзиш журналистдан чуқур билим, истеъдод талаб этади. Сафар ака заҳматли меҳнати билан, тинимсиз изланиши билан ҳурмат қозонди. Устоз биз, шогирдларга йўл-йўриқ кўрсатиб, маслаҳатлар берди. У кишидан миннатдорман. Ажойиб инсон эди.

Китоб тақдимотида бағишланган маънавий-маърифий тадбирда шогирдлари унинг одамийлиги хусусида ҳам сўзлаб беришди.

“Умид билан яшагин” китобидаги мавзулар, фикрлар, хулосалар ҳамма-миз учун азиз. Бўлажак журналистлар учун эса муҳим ўқув қўлланмадир.

Мазкур китобдан Сафар Остонов ҳаётлик даврида тайёрлаган, муаллифнинг турли мавзулардаги бир-бирдан долзарб мақолалари, аччиқ тақдирлар, қисматлар баён этилган очерклари, кундаликдаги ёзувлари ўрин олган.

Умрининг сўнгги нафасига қадар ижоддан тўхтамаган, ҳақиқат ва адолат йўлида курашиб яшаган журналист хотираси ҳамкасблари, шогирдлари қалбида мангу яшайди.

Равшан ШОДИЕВ.

MUASSIS: **O'zbekiston ovozi**
TAHRIR HAY'ATI:

Ulug'bek INOVATOV | Muslihidin MUHIDDINOV
Ulug'bek VAFOYEV | Hayotxon ORTIQBOYEVA
Maqsuda VORISOVA | Shuhrat ISLOMOV
Qalandar ABDURAHMONOV | Toshtemir XUDOYQULOV
Guliston ANNAQILICHEVA

Bosh muharrir: To'liqin TO'RAXONOV
MANZILIMIZ: 100135, Toshkent, Bunyodkor shoh ko'chasi, 50 «A»-uy.
Telefonlar: (71) 239-12-14
Reklama b'limi: (91) 190-19-49. **E-mail:** uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonaning manzili: Buyuk Taron ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.
Navbatchi: **Ravshan ABDUNAZAROV**
Sahifalovchi: **Bekzod SHODIYEV**

Г — 636. 17016 nuxxada bosildi. O'za yakuni —
Nashr ko'rsatkichi — 220. Topshirilgan vaqti — 02:45
t — Tijorat materiallari 1 2 3 4 5 6
Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.